

Enor ha Peden da Verc'hez Kernitron

VAR DON: *Kantik Lambader.*

DISKAN:

*Kanomp, kanomp a greiz kalon
Henor d'hor Mamm a Gernitron,
Ha goulennomp ma kendalc'ho
Da skuill he bennoz var hon bro!*

1
Guerc'hez santel, mamm da Zoue,
Lezit Breizis, ho pugale
Da gana d'eoc'h a vouez ho fenn :
Gloar hag henor da virviken !

2
C'hui zo d'eomp holl hor Patronez,
Hor Mamm hag hon Avelkadez !
C'hui skuill eun tenzor a c'hrasou
Bemdez var hon holl parrezioù !

3
Ken braz galloud n'eo ket souezus :
En ho chapel ni vel Jezus
O lezer ganeoc'h he voalen
A roue var ar bed kristen !

4
Penaoz biken e c'hellimp-ni
Anaout awalc'h, ô Mari,
An dle o deuz en ho kenver
Ho pugale a vro Dreger ?

5
'Vit guelloc'h ho trugarekât
Euz ho skoazel, Patronez vad,
Ar Pab guir Dad ar gristenien
En deuz roet d'eoc'h eur gurunen.

6
Evel er Folgoët, er Porzou,
E Rumengol, e kalz leac'hchou
E Kernitron iviziken
C'hui zo Rouanez da vikien !

7
Renit varpomp, Guerc'hez santel !
D'hoc'h henc'ri ni vo fidel,
Ni a zeuio da bardona
Ha d'ho meuli en eur gana.

8
Ni a ginnigo d'hor Zalver
Ar sakrifis var oc'h aoter,
Hag a boanio, dreist holl, Guerc'hez
Da heuilha skuer ho santelez.

9
O rouanez karantezus,
Hor c'hassit holl d'ho Mab Jezus,
Hor sikourit e peb danjer:
Hor c'halon a zo ken dister !

10
En hor bro Frans eun avel foll
A dag ar Virionez dre-holl ;
Guerc'hez mirit hor sperejou
Dious bilim ar falz-kredennou,

11
Grit ma chomo grisiou ar feiz
Doun e kalonou Tregeriz
Evel grisiou ar guez dero
E kreiz kalon douar hon bro

12
Gant oll blijadurioù ar bed
Hor c'halon baour 'zo touellet;
D'ober dezho bemdez brezel
Hor sikourit, Guerc'hez santel.

13
Pellañt diouz ho pobl kristen
An darvoudou hag ar vossen ;
D'ar vugaligou afflijet
Rentit an nerz hag ar iec'hed.

14
D'ar yaouankiz roit furnez,
D'ar vugale sentidigez,
Ha d'ar gosni kalon nerzus
Da zwoaska buez poanuz.

15
Pa deui an anken d'or voaska,
Pa deui hor c'halon da ranna,
En hor glac'har, en hor enkreiz
Deut d'or souten, Mamm a druez.

16
Ha pa vimp galvet gant Doue
Grit ma vo prest ho pugale ;
Evel hor zant Melarik kez
Da ginnik dezhan ho buez.

Imprimatur :

Quimper, le 10. Juillet 1929.

P. JONCOUR,
v. g.

8N1-2-006

KANTIKOU


en enor da

ITRON - VARIA GERNITRON

Kurunet e Lanmeur

ar

15 A VIZ EOST 1909



KENTA KANTIK

TON: *Itron Varia Rumengol.*

DISKAN:

*Itron Varia Kernitron,
Doue dreist an holl, pur a galon,
Grit ma tale himp hed an amzer
D'ar fe gristen e bro Treger.*

1
E Breiz-Izel, o Mam garet,
Kalz ilizou dec'h zo gwestlet,
Hag enn-ho var ho pugale
E skuillit puill grassou Doue.

2
Hon tadou koz, stard en ho fe,
Evel ar roc'h var ar mene,
O deus flouret gant ho c'hrizel
En hoc'h henor mein Breiz-Izel.

3
Chapel Kreiz-Ker e Kastel-Pol,
Gant he zour dantelezet holl,
A lavar d'an dremenidi
Karante Breiz evit Mari.

4
Kossoc'h eo c'hoaz iliz Treger
En henor da Vam hor Zalver.
Ha gant eur guir relijion
Eo bet hanvet *Kêr an Itron.*

5
E Rumengol hag er Folgoët,
Skeuden Mari zo kurunet. —
E Kernitron, hiviziken
Ker skeduz eo e c'hurunen.

6
Ia, leun a fianz e Mari,
Tregeris a gar he fed.
Ha goulennomp ma kendalc'ho
Bennos ho Mam a Gernitron.

7
Pa ziroll an avelou foll,
Pa vel e lestr o vont da goll,
An den a vor en em erbed
Ouz Mari, Mamm ar Vretoned.

8
Ar c'houer, skuiz gant he labour
Er park, a c'houlenn he zikour,
Ha gant eun *Ave Maria*
Eo sur ganthi deus he vara.

9
Ar vam, e kichen ar c'havel,
En eur luskellat he bugel,
Evit an ealik bian kousket
A bed ar Verc'hez benniget.

10
Ha pa zivun ealik Doue,
He lagadik liou oabl an Ee
A bar var ho skeuden, Mari,
... Ar plas henor o peus en ti...

11
Bezit eurus, mamou kristen,
Rag ar Verc'hez, en ho kichen,
A veillo var ho pugale
'Vel ma veillas var Mab Doue.

12

Ho potrezed, fur ha sentus,
A zesko mad hent ar vertus,
Hag a vezo henor ho ti,
Ma zint guir vugale Mari.

13

Hag ho potred, hed ho puez.
A rei ho choa, ho levez ;
Biken ne raïnt dec'h ran-galon
Ma karont Guerc'hez Kernitron.

14

Eat d'an arme, pell deus ho bro,
Ar Vam zantel ho diouallo,
Ha gant he skoazell burzudus
E chomint fidel da Jesus.

15

O Guerc'hez santel, hor Mam ger.
Beillit ato var bro Treger.
Hag eun deiz ni c'hell kana
Eb ean an Ave Maria.

Imprimatur :

Quimper, le 10 Juillet 1929.

P. JONCOUR,

v. g.

EIL KANTIK

VAR DON: Breuriez ar Feiz

DISKAN:

Mari, mamm garantezus,
Patronez vad Treguer,
Grit eur zell trugarezus
Ous ho pugale ger ;
Bras meurbed eo ezommou
Hor c'horf hag hon ene ;
Varnomp dre ho pedennou
Tennit puill gliz an Ee.

1

Piou e Breiz ne anavez
Ar japel benniget
Pell braz zo gant eur brinsez
En hoc'h enor savet ?
Ar brud euz ar miraklou
A rec'h emmhi guechall
Zo ét, 'dreuz ar c'hantvejou,
E pevar c'horn Bro - C'hall.

2

Euz kalz broiou e tired
Etrezek Kernitron
Bandennou pelerined
Birvidik ho c'halon ;
A bell kerkent 'ma velont
An tour 'zo var ho ti,
Devot eur c'hilin a blegont
Evit ho saludi.

3

Tud ho c'horf paour kountamet
Gant bep seurt klenvejou,
Tud lor, tud kamm, tud seizet,
Tud dall a villierou
Deuet da glask ar pare
Euz Treger, Kerne, Leon,
'Ioa sur da gaout gras Doue
E japel Kernitron.

4

Ar flac'hou, ar branellou
'Ioa c'hoaz a nevez-so
A zispill ouz mogeriou
Ho japel tro var dro
'Enkante a vouez huel
Pegen brokuz oc'h bet
Da rei sikour, ha skoazell
D'an dud en ho c'hlenved.

5

Mar grit rouessoc'h brema
'Vit ar c'horf miraklou
Kendalc'hit da barea
Klènved ar sperejou :
Lezennou Doue 'zo bresset
Gant kalz tud en hor Breiz,
Kals eneo 'zo taget :
Truez evit hor feiz.

6

Ar beden grêt aliez
Hag ar Sakramanchou
Ha zo guir vagadurez
Ha nerz an eneo :
Red e ve neuze poania
Da c'houlenn gras Doue
Ha da zibri ar bara
Diskennet euz an Ee.

7

Brema 'zeuz fors bloaveziou
Var menez ar Salett
O poa great deomp gourdrizou
Dre holl anevzet :
« Ma kendalc'hit da doui
« Da derri zull Doue
« Varc'hoaz ne c'hellin mui
« Diarbenn tan an Ee. »

8

En despet d'ho koundrouzou
Ken leun a garantez
E labourer d'ar zuliou
Diskrupul ha divvez.
E leac'h kerzet d'an iliz
'Vit klevet an ofern
Nag a dud, siouaz ! e Breiz
A heul hent an ifern.

9

Stank eo ive an denved
Eat dioc'h an denved all
Da eva dour kontamet
Da glask eur peuri fall ;
Digassit hi d'ar goudor,
Da bark ar pastor mad,
Ma na vo 'med eur pastor
Ha nemed eur parkad.

10

Ni fell deomp hiviziken
Renons d'ar malloziou.
Karet Doue, he lezenn,
Miret start ar zuliou ;
Mad e vezimp da bedi
Bep mintin ha bep noz,
Guelloc'h da sakramanti
Da glask ar Baradoz.

11

Kasit, mam drugarezus,
Hon daelou, hor glac'har
Beteg tron ho mab Jesus
Hag hini Sant Melar :
N'oc'h ket heb guir lezhanvet
« Refuj ar bec'herien »
Dreizoc'h e vimp pardounet
Ho tra 'vimp da viken !

12

Guellet a rit ar brezel
A ra Satan hirio
D'an iliz hor mamm zantel
Da Zoue ha d'hor bro ;
Senti 'ra ouzoc'h bemdez
Ar mor, an avel foll,
Sellit ouzomp a druez
Mirrit na zaimp da goll !

13

E Lourd e rit traou dispar,
Ah ! grit eur burzud all.
Mamm Jezus, dioc'h ar c'hailar
Goalc'hit pelloc'h Bro-C'hall !
Neuze pebez levezet !
C'houi vezo adarre
En hor bro guir Rouanez
Hag ho mab vo Roue !

14

Abers ar Pab eo deuet,
Guerc'hez, ar gurunenn
A velomp hirio laket
Ken brao d'eoc'h var ho penn ;
'Vit hon tad digant Doue
Goulennit heb hean
Ma vezo fin dizale
D'he groaziou, d'he voelvan.

15

Bennoz d'an Eskop santel
En deuz ho kurunet ;
Dindan plegou ho mantel
Diwallit-hen bepred :
Ra vezo c'hoaz hurr amzer
Goude gouel Kernitron
Gloar hag enor bro Treguer
Bro Gerne ha bro Leon !

16

Lakit en holl galonou
Feiz beo ha karantez ;
Dalc'hit en tiegeziou
Urz vad, sentidigez ;
Ha pa vo deuet ar mare
Da vont da gaeroc'h bro,
C'hui hor c'huruno neuze
Er Baradoz d'ho tro !